

PRESSITEEDÜS

30.04.2010

Uma Pido

## Uma Laul tõi Pokukotta hulga rahvast

**30. aprillil Pokumaal olu Uma Laul II kontsõrtvõistlusõl esitedi täüsmajalõ 28 vahtsõt võrokeelist laulu. Nii žürii ku publiku süänd lämmisti' mitmõ laulu', a võidi' Mari Kalkuni laul "Suvi" ja Aapo Ilvese laul "Valgust henge".**

Uma Laul II võistluskontsõrdi kõrraldaja Siim Meeliste kõnõl, et võistlusõlõ tull' väega erinevit laulõ, miä rahva kõvva kässi kokko lüümä ja laulma panni'. "Mitmõ' luu' võti' jala' tatsuma ja panni' ütten ümismä. No' om man vähembält 28 vahtsõt võrokeelist lugu, midä küläpidol vai ummi sõpru ja sugulaisiga kuun ollõn laulda' võissi," oll' Siim Meeliste vahtsidõ laulõ üle rõõmsa.

Päält pääpreemijide jaeti vällä ka eripreemiä', noidõ hulgan "Parõmba' täämbädse päävä rahvalauliku": Maria Silla "Pensionäri elo", Enno Säinast "Pudru lugu" ja "Edimest kõrda" ning Koidu Vider "Hallo,siin vanaimä!". Kõgõ parõmbas latsilaulus kuulutõdi Jan Rahmani "Mis om suurõ järve takan?" ja parõmbas rahvaperälidses latsilaulus Urmas Kalla "Pinnär". Tiitli "Vahtsõnõ vorm võrokeelitsen laulun" sai laul "Kodomäng" (sõna' Wimberg, tõlgõ võro kiilde Contra, muusika Aare Pai) Öösorri esitüsen ja parõmb poplaul oll' žürii arvatõn Andres Ojasoo (jun) laul "Nuurus" ansambli Mix Mitte esitüsen.

Uma Laul II võistlusõ žüriin olli' Ants Johanson (SA Tartu Muusikafestival), Mariko Faster (Võru Instituut), Taive Särg (Eesti Kirjandusmuuseum), Marje Metsur (näitleja, II Uma Pido memm) ja Raivo Trass (II Uma Pido kontsõrdi lavalõsäädjä).

Inne Uma Laulu kontsõrti oll Uma Pido pressipäiv, kon kirotõdi ala võrokeelitse' tugõjalepingu' Nopri Meierei, Arke ning Lõuna Pagaritega. Päält tugõjalepingide ala kirotamist oll' Pokukuan lõõtspilli anatoomiatunn, kon lõõtspillimeistre ja -mängjä Heino Tartes näüdäs, miä om lõõtspilli seen ja kuis üts peris Teppo tüüpi lõõtspill vallalõ käü.

Päält lõõtspilli anatoomiatunni oll kunnakuurõ har'otus, midä vidäsi Uma Pido kunnakuurõ üldjuht Silja Otsar. Alostaja "laulukunna" saiva' inne Uma Laulu kontsõrti helü' vallalõ laulda' ja II Uma Pido kontsõrdi laulõga hinnäst tutvas tetä'.

Uma Laulu võistluskontsõti ja pressisündmust tugõsi Pokumaa. Avvuhindu panni' vällä Eesti Kirjandusmuuseum, Võru Instituut, Võro Selts VKKF, MTÜ Võru Noored Mehed, Eesti Maanteemuuseum, Savi turismitalu, Taevaskoja Salamaa, hotell Pesa, MTÜ Piusamaa, Pokumaa ja Nopri meierei.

Teedüst saa mano:

Uma Laulu võistlusõ kõrraldaja

Siim Meeliste

Tel 56478568

[smeeliste@gmail.com](mailto:smeeliste@gmail.com)

Pressiteedüse and' edesi:

Mari-Liisa Parder

II Uma Pido kommunikatsioonipäälik

[mariliisa.p@gmail.com](mailto:mariliisa.p@gmail.com)

Tel: 50 52 517